

Bosna i Hercegovina



Босна и Херцеговина

Uprava za indirektno - neizravno
oporezivanje

Управа за индиректно
опорезивање

Regionalni centar Mostar

Broj:02/6-1/III-16-D- 1- 9692-4 /10
Mostar, 24.01.2011.godine

Na osnovu člana 66. Zakona o porezu na dodatu vrijednost („Službeni glasnik BiH, broj:9/05, 35/05 i 100/08) i člana 127. Pravilnika o primjeni Zakona o porezu na dodatu vrijednost („Službeni glasnik BiH broj: 93/05, 21/06, 60/06, 6/07,100/07 i 35/08) kao i člana 8. Instrukcije o postupku uvođenja posebne šeme dužnika („Službeni glasnik BiH“, broj:35/08) šef Grupe za prinudnu naplatu donosi sljedeće:

R J E Š E N J E

- 1. UVODI SE POSEBNA ŠEMA DUŽNIKA BINAS d.d. adresa sjedište firme: Armije BiH 171, Bugojno, odgovorna osoba: Gurbeta Muhamed, ID broj: 4236021300002, PDV broj: 236021300002, za dug po osnovu poreza na dodatu vrijednost u iznosu od 805.885,60 KM.**
- Porezni obveznik je dužan da u svoje fakture za isporuke osobama koje su registrirane za PDV unosi sljedeću klauzulu: “Iznos PDV-a naveden u ovoj fakturi se plaća Upravi sa pozivom na identifikacioni broj: 236021300002 “.
- Osoba registrirana za PDV koje kupuju dobra i usluge od isporučioca BINAS d.d. Armije BiH 171, Bugojno, plaća iznos PDV-a direktno Upravi.
- Iznosi PDV-a zadržani tokom poreznog perioda, plaćaju se do 5. u mjesecu za prethodni porezni period.
- U istom roku porezni obveznik kupac je dužan dostaviti Upravi za indirektno oporezivanje listu sa podacima za prethodni porezni period za poreznog obveznika dužnika prema kojem je rješenjem uvedena posebna šema, lista treba da sadrži sljedeće:
iznos zadržanog PDV-a
identifikacioni broj isporučioca dobara ili usluga
identifikacioni broj primaoca dobara ili usluga koji je zadržao iznos PDV
- Posebna šema se primjenjuje od dana objave u „Službenom glasniku BiH“.
- Dužnik nad kojim se uvodi posebna šema **BINAS d.d. Armije BiH 171, Bugojno**, obavezan je rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.
- Žalba ne odlaže izvršenje rješenja.
- Ovo rješenje će biti objavljeno u Službenom glasniku BiH i dnevnim novinama.

O B R A Z L O Ž E N j E

Na osnovu podataka iz programa ALICE kojim raspolaže Grupa za prinudnu naplatu RC Mostar dužnik **BINAS d.d. Armije BiH 171, Bugojno**, ima neizmirenog duga nastalog po osnovu PDV-a za porezne periode: 1011,1010,1007,1005, 1002,0912,0910,0908,0907, 0810 u iznosu od 805.885,60 KM. Uvidom u evidenciju

o zaduženju duga po osnovu PDV-a, u programu ALICE utvrđeno je da dužnik **BINAS d.d. Armije BiH 171, Bugojno** u navedenom periodu uredno podnosio prijave samooporezivanja, ali nije vršio uplate po istim, niti je vršio uplatu PDV-a koji je kontrolom utvrđen i zadužen.

Dana 15.09.2010. godine Grupa za obradu poreznih prijava Regionalnog centra Mostar dostavila je prijedlog za uvođenje posebne šeme – inicijativu za inspekcijsku kontrolu Grupi za reviziju i kontrolu Regionalnog centra Mostar za dužnika **BINAS d.d. Armije BiH 171, Bugojno**, a na osnovu člana 3. Instrukcije o postupku uvođenja posebne šeme dužnika. Analizom dugovanja poreznog obveznika – dužnika, prema pokazateljima iz PDV prijava utvrđen je veliki iznos neizmirenih obaveza koje se konstantno uvećavaju.

Dana 29.09.2010. godine Grupa za reviziju i kontrolu Regionalnog centra Mostar obratila se aktom broj: 04/5-2/III-17-D-7736/10 Sektoru za poreze kojim traži saglasnost za kontrolu obveznika.

Sektor za poreze je svojim aktom broj: 04/2-17-1-37-1984-2/10 od 08.10.2010. godine dao saglasnost za kontrolu poreskog obveznika – dužnika **BINAS d.d. Armije BiH 171, Bugojno**.

Na temelju dobivene saglasnosti za kontrolu izdat je nalog za kontrolu broj: 04/5-2/III-17-D-3-685-1/10 dana 26.10.2010. godine.

Na osnovu navedenog naloga izvršena je kontrola za period 01.01.2009. godine do 31.12.2009. godine o čemu je sačinjen Zapisnik broj: 04/5-2/III-17-D-3-685-2/10 od 3.11.2010. godine.

Inspektori Grupe za reviziju i kontrolu sačinili su zapisnik o kontroli sa aspekta procjene sljedećih kategorija:

- bilansa stanja;
- bilansa uspjeha;
- izvještaja o novčanim tokovima.

Protiv dužnika **BINAS d.d. Armije BiH 171, Bugojno**, Grupa za prinudnu naplatu RC Mostar, pokrenula je postupak prinudne naplate duga nastalog po prijavi samooporezivanja poreza na dodatu vrijednost za porezne periode: 1011,1010,1007,1005, 1002,0912,0910,0908,0907, 0810.

Dužnik u roku od 10 dana od dostavljanja naloga nije izvršio uplatu duga, pa je izdat nalog za pljenidbu. U skladu sa članom 13. Zakona o postupku prinudne naplate indirektnih poreza BiH („Službeni glasnik BiH broj 89/05) grupa za prinudnu naplatu je provodila postupak prinudne naplate. Pljenidba sa bankovnih računa nije mogla biti izvršena jer su bankovni računi obveznika ugašeni i blokirani. Pljenidba gotovine na blagajni nije mogla biti izvršena jer nije bilo sredstava za pljenidbu. Sljedeći korak u postupku prinudne naplate je bilo prikupljanje informacija o imovini dužnika. Po informacijama od nadležnih registara utvrđeno da firma ima nepokretnu imovinu. Na osnovu dobivene informacije o nepokretnoj imovini Šef grupe za prinudnu naplatu izdao je pismenu izjavu o pljenidbi nepokretne imovine.

U toku provođenja postupka prinudne naplate od Grupe za reviziju i kontrolu 15.11.2010. godine zaprimili smo zapisnik o izvršenoj kontroli broj:04/5-2/III-17-D-3-685-2/10 od 03.11.2010. godine; iz kojeg je Grupa za prinudnu naplatu izvela zaključak o opravdanosti uvođenja posebne šeme dužnika.

Ova odluka temelji se na instrukciji o postupku uvođenja posebne šeme dužnika („Službeni glasnik BiH, broj:35/08).

Dug u iznosu **805.885,60 KM** sastav i period iz kojeg potiče

PERI OD	BROJ NALOGA	IZNOS GLAVNOG DUGA u KM	NAKNAD NI TERET u KM	KAMATA	UKUPAN DUG u KM
0810	02/6-1/III-16-D-1-3064/09	279.039,60		162.919,00	441.958,60
0907	02/6-1/III-16-D-1-4351/09	53.851,00		17.157,00	71.008,00
0908	02/6-1/III-16-D-1-4760/09	63.930,00		19.179,00	83.109,00
0910	02/6-1/III-16-D-1-5944/09	7.550,00		1.989,00	9.539,00
0912	02/6-1/III-16-D-1-281/10	24.260,00		5.488,00	29.748,00
1002	02/6-1/III-16-D-1-1415/10	9.833,00		1.882,00	11.715,00
1005	02/6-1/III-16-D-1-3108/10	13.237,00		1.803,00	15.040,00
1007	02/6-1/III-16-D-1-4021/10	264,00		26,00	290,00
1010	02/6-1/III-16-D-1-5595/10	4.863,00	486,30	216,00	5.565,30
1011	02/6-1/III-16-D-1-6080/10	122.437,00	12.243,70	3.232,00	137.912,70
UKUP NO		579.264,60	12.730,00	213.891,00	805.885,60

Članom 66. stav 3. Zakona o porezu na dodatu vrijednost propisana je mogućnost da UINO naloži za određene registrirane porezne obveznike koji su u dugu – dužnike da se PDV na isporuke registriranim obveznicima PDV-a plati od strane primaoca isporuke.

Ovakav način plaćanja podrazumijeva uvođenje posebne šeme dužnika koja se primjenjuje u ovom slučaju na obveznika **BINAS d.d. Armije BiH 171, Bugojno**, iz razloga što je u pitanju značajan iznos poreznih prihoda, te bi se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Na osnovu analize poslovne dokumentacije poreznog obveznika za 2009. godinu razgovora inspektora sa odgovornom osobom informacije i podataka o zaključenim poslovima za naredne periode predviđene i druge poslove koji su u fazi ugovaranja uvođenje posebne šeme bi doprinjelo efikasnijem i izmirivanju poreznih obveza.

Uvidom u činjenice dostavljene kontrolom obveznika smatra se opravdanim i ekonomičnim postupak uvođenja posebne šeme dužnika radi zaštite potraživanja u iznosu od 805.885,60 KM.

Grupa za prinudnu naplatu je dana 15.12.2010. godine dostavila dužniku **BINAS d.d. Armije BiH 171, Bugojno**, pismo namjere, protokolirano brojem:02/6-1/III-16-D-9692-3/10 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne osigura adekvatnu garanciju za plaćanje duga. U pismu namjere dužniku ukazano na obaveze koje mu se stavljaju na teret uvođenjem u postupak posebne šeme. Kako obveznik u ostavljenom roku se nije oglasio bilo uplatom ili obavještenjem o mogućnosti osiguranja adekvatne garancije, a dug je samo uvećan u proteklom periodu, te je odlučeno da se na ovog obveznika primijeni posebna šema radi osiguranja naplate.

Prilikom donošenja odluke o uvođenju posebne šeme dužnika Grupa za prisilnu naplatu rukovodila se sljedećim razlozima: iznos duga, rizik po javne prihode, kao i procjenom smanjene vjerojatnosti za naplatu poreza na dodatu vrijednost bez uvođenja posebne šeme, kao i općim ekonomskim izgledom poreznog obveznika u budućnosti.

Pouka o pravnom lijeku:

Protiv ovog rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse sukladno sa tarifom Zakona o administrativnim taksama BiH ("Službeni glasnik BiH"; broj: 16/02, 19/02, 43/04, 8/06 i 24/06).

Dostaviti:

1. Dužniku 1 X
2. 2X 3 seta primjeraka u tri jezične varijante na dva pisma (2 seta po tri rješenja u tri jezične varijante i na dva pisma Sektoru za poslovne usluge – Odsjek za prinudnu naplatu za objavu u Službenom glasniku BiH i dnevnim novinama)
3. Grupa za reviziju i kontrolu 1X
4. Grupa za prinudnu naplatu 1X

Šef Grupe za prinudnu naplatu

Ranko Todorović, dipl.prav.